

第一編



三聯書店
Joint Publishing (H.K.)

第一章 歷史沿革

按：香港島、九龍半島及附近島嶼，在明清時期屬廣東省廣州府所轄的新安縣。在行政與軍事上都有明確的管理制度。廣州府，古為秦始皇置南海郡，至明洪武初，定曰：廣州府，清朝因之。領十四縣，新安縣為十四縣之一。自唐宋至明清，廣東沿海歷來為國家海防重地。明清時，即在廣東省設有布政使司、按察使司等機構，有總督、巡撫、總兵等官員對此地進行管理。

一、廣東省廣州府（包括香港地區的行政設置）

廣州府古揚州南境。秦始置南海郡，趙陀實據之。山川綿邈（元南海志）上據石門之隘，下瞰扶胥之險，長江天塹，壁壘完整（舊志）。國朝為府（元以前沿革不一，以下列郡俱同），領州一（連州）、縣凡十有四（附郭南海、番禺外，順德、三水、從化、東莞、增城、龍門、香山、新會、新寧、清遠、陽山、連山二縣隸連州）^①。包山帶海，群邑羅衛，外郡倚以為重，故於此置省會，而責亦重焉。黃涌（順德地）、白墳（波羅海口）、南岡（鹿步滘口已上三營俱守備指揮防禦）、廣海（衛近新寧）、大鵬（千戶所近東莞）、香山、崖門（新會地）沿海東南戍守之。

註：①此為萬曆元年（1573）前的廣州府治轄縣數。萬曆元年置新安縣。

（明）姚虞撰：《嶺海輿圖》，〈廣州府圖序〉，七頁。

廣州府，《禹貢》揚州南境，春秋戰國為百粵地，秦始皇三十三年（前 214），置南海郡。漢初為南越國，元鼎六年（前 111）復置南海

郡，元封五年（前 106）屬交州。後漢末，移交州來治，三國吳黃武五年（226）改置廣州，晉曰廣州南海郡，宋齊以後皆因之。隋開皇九年（589）郡廢，仁壽元年（601）改為番州，大業三年（607）復曰南海郡屬揚州。唐武德四年（621）復曰廣州，置總管府，天寶元年（742）復曰南海郡，至德元載（756）置嶺南節度，乾元元年（758）復曰廣州，咸通三年（862）分為嶺南東道，乾寧二年（895）改清海軍節度。五代為南漢國都，改興王府，宋復曰廣州中都督府、南海郡、清寧軍節度，為廣南東路治。大觀元年（1107）升為帥府，祥興元年（1278）升翔龍府。元至元十五年（1278）改為廣州路，兼置海北廣東道、肅政廉訪司，屬江西行中書省。明洪武初曰廣州府，為廣東布政使司治，本朝因之，屬廣東省，領縣十四：南海縣、番禺縣、順德縣、東莞縣、從化縣、龍門縣、增城縣、新會縣、香山縣、三水縣、新寧縣、清遠縣、新安縣、花縣。

（清）阮元、陳昌濟等纂：《廣東通志》卷三，九三至九四頁。

……國朝沿明舊制，仍置廣東省，省會在廣州，即古羊城，兩廣總督與廣東巡撫暨藩臬二司皆駐節焉。領府九：曰廣州，曰韶州，曰惠州，曰潮州，曰肇慶，曰高州，曰廉州，曰雷州，曰瓊州；直隸州四：曰連州，曰南雄州，曰嘉應州，曰羅定州。新設直隸庭一曰佛岡，散州廳九，縣七十八，廣州為中外門戶，海防要隘，風帆輪舶蟻聚蜂屯，各國關口通商，始於道光二十二年（1842）。

（清）王錫祺輯：《小方壺齋輿地叢鈔》第一帙，一，龔柴著：《廣東考略》，一七七頁。

廣東，三面皆瀕海也。《禹貢》三江，皆從會稽入於南海。會稽之南，五嶺復有三江，又從廣城南一百里，合流入於南海，分東西二道焉。東道八十里，出古斗村南，自此浩淼無際（《增城志》：南海在縣南八十里，至沙貝二十里，溯波羅水，出虎頭門外。波羅水近古斗村）。又東南二百里，抵東莞南海衛，又南六十里，出虎頭門，又南



一百五十里，抵南頭城（有東莞守禦千戶所，一名城子岡，南通牂牁，其西南有佛堂海門，經官富山，流入急水門海）。下海，可抵甌越^①。

註：①甌越：據顧炎武註釋，甌越即指東甌，為今浙江省黃巖、臨海、寧海一帶。

（清）顧炎武撰：《天下郡國利病書》四〇〈廣東上〉，一七頁。

南交者，粵也，陶唐之南裔也，故舉南交而可以概粵也。然史稱周武王巡狩，陳詩南海，又〈詩〉曰：“於疆於理，至於南海”，^①則舉南海又可以概粵也。漢稱粵為交州，蓋本於唐。秦分粵地為南海郡，蓋本於周。然楊雄〈交州箴〉^②，有曰：“南海之宇，聖武是恢”，又曰：“交州荒裔，水與天際”，則舉交州而南海在其中矣；舉交州亦可以概粵矣。其稱曰交趾，交州之趾也。粵趾於中原，而交趾趾於粵也。交趾自高陽時已屬，而堯名南交。故論地名以南交為古；論事以宅南交為古。

註：①此為《詩經》中〈大雅·江漢〉中的語句。

②〈交州箴〉：為楊雄的一篇賦名。

（清）屈大均撰：《廣東新語》下，〈南交〉，三〇頁。

……洪武初，永嘉侯朱亮祖，戡定南粵，於越秀山巔建望樓。高二十餘丈，以壓其氣^①，歷二百餘年，清平無事。黃蕭養僭稱齊帝^②，即位五羊驛館，踰月而亡，蓋其驗焉。嶺南形勢，蓋與曩時大異。風氣既開，嶠路四達，梅關橫隘，車馬周行，瀧水灘川，舟航交下，雖有強兵勁馬，戍守不給，一夫奪險，勢若山崩矣。

註：①以壓其氣：指壓制住元代以來粵東人反抗中央的鬥爭。

②黃蕭養：明英宗正統十四年（1449），在廣東海上起義，曾圍攻廣州，後失敗。

（清）屈大均著撰：《廣東新語》下，〈趙陀墓〉，四九三頁。

廣東布政司

古百粵地。元置廣東海北海南道宣慰司，隸江西行中書省。入明，領府十、縣六十六。

廣州府（至南京四千五百九十里，至北京七千八百三十五里）

《禹貢》揚州之南境，天文牛女分野。元路，明政府，領州一，縣十五。

縣：南海（附郭，元舊，三百五十一里）、番禺（附郭，元舊，一百二十九里）、順德（明析南海置，一百六十五里）、東莞（元舊，一百八十三里）、增城（元舊，九十五里）、香山（元舊，三十〇里）、三水（明析南海、高要地置）、新寧（明析新會縣置，〇十〇里）、連州：（元路、降州、隸英德路。明初省，復州，一十七里，領縣三）陽山（元屬桂陽州，改連州，以縣屬韶州府，後改屬，六里）。連山（元隸連州，明屬韶州府，尋省入陽山縣，後復置，二里），新安（明析置，〇十里）。

（清）查繼佐著：《罪惟錄》第一冊，卷六，〈志〉，五八三至五八四頁。

洪武九年（1376），改置廣東等處承宣布政使司，領府十，直隸州一，屬縣七十六（總為里四千二十八，夏秋二稅，大約一百一萬七千七百七十二石有奇）。而諸司衛所參列其中，今仍為廣東布政使司。

廣州府（屬州一，縣十五，南海縣附郭、番禺附郭、順德縣、東莞縣、新安縣、三水縣、增城縣、龍門縣、香山縣、新會縣、新寧縣、從化縣、清遠縣。連州^①領縣二：陽山縣、連山縣）。

註：①連州：雍正時改為直隸州。

（清）顧祖禹輯著：《讀史方輿紀要》卷一〇〇，第五冊，四一五〇頁。

廣州府（南海、番禺、順德、東莞、從化、龍門、增城、新會、香山、三水、新寧、清遠、新安、花縣等^①）



三聯書店
Joint Publishing (H.K.)

《禹貢》揚州南境，春秋戰國為百粵地。……明洪武初曰廣州府，為廣東布政使治。本朝因之。總督兩廣部院、巡撫部院及布政使司、按察使司治此。鎮守將軍及鹽運使司、糧儲兼水利道亦駐此。海防同知二：一駐佛山，一駐前山寨，通判駐永寧。

註：①花縣：康熙二十四年（1685），析番禺，南海二縣地建花縣。

（清）洪亮吉撰：《洪北江全集》卷四一，〈乾隆府廳州縣圖志〉〈廣州府〉，一頁。

雜署

官富巡檢司在縣東南八十里，舊為官富寨與福永同為司，衙宇久壞，蒞任者多就赤尾民居。康熙十年（1671），巡檢蔣振元捐俸買赤尾村民地起造衙宇。

福永巡檢司在縣西北三十里許福永之南，舊屯門固戍寨。明洪武三年（1370）改為巡檢司，衙宇二座，遷移拆毀，康熙十年（1671）巡撫薛震修復。

（清）新文謨纂：《新安縣志》卷五，〈宮室志〉，二至三頁。

（明初）總督兩廣軍務兼理糧餉帶管鹽法兼巡撫廣東地方一員。……景泰三年（1452），苗寇起，以兩廣宜協濟應援，乃設總督。……正德十四年（1519）改總督為總制，尋改提督。嘉靖四十五年（1566）另設廣東巡撫，改提督為總督，止兼巡撫廣西，駐肇慶。隆慶三年（1569）又設廣西巡撫，除兼職。四年（1570）革廣東巡撫，改為提督兩廣軍務兼理糧餉，巡撫廣東。萬曆三年（1575）仍改總督，加帶鹽法。

（清）張廷玉等纂：《明史》（六志），卷七三，〈志〉第四九，〈職官二〉，一七七四頁。

鎮守廣東總兵官一人，舊為征蠻將軍、兩廣總兵官。嘉靖四十五年（1566）分設，駐潮州府。協守副總兵一人（潮、漳副總兵，萬曆

三年〔1575〕添設，駐南澳）。分守參將七人（曰潮州參將，曰瓊崖參將，曰雷廉參將，曰東山參將，曰西山參將，曰督理廣州海防參將，曰惠州參將）。練兵遊擊將軍一人，守備五人，坐營中軍官二人，把總四人。

（清）張廷玉等纂：《明史》（六志），卷七六，〈志〉第五二，〈職官五〉，一八七〇頁。

總督（舊駐肇慶府城，乾隆七年〔1742〕，總督策楞奏明移駐會城）正二品（加尚書銜從一品），廣東、廣西一人。

謹按《明史·職官志》總督兩廣事務，兼理糧餉，帶管鹽法，兼巡撫廣東地方一員。永樂二年（1404），遣給事中雷鎮巡撫廣西。十九年（1421），遣郭瑄、艾廣巡撫廣東。景泰三年（1452），苗寇起，以兩廣宜協濟應援，乃設總督。成化元年（1465），兼巡撫事，駐梧州。正德十四年（1519），改總督為總制，尋改提督。嘉靖四十五年（1566），另設廣東巡撫，除兼職。隆慶四年（1570），革廣東巡撫，改為提督兩廣軍務，兼理糧餉，巡撫廣東。萬曆三年（1575），仍改總督，加帶鹽法，本朝因之。

（清）盧坤等輯：《廣東海防彙覽》卷六，〈職司一〉，一四頁。

廣東

鎮守一員 總兵官（舊為征蠻將軍、兩廣總兵官、嘉靖四十五年〔1566〕分設，駐潮州府，管轄全省軍務）。

協守一員 潮漳副總兵（萬曆三年〔1575〕添設，駐南澳，所屬福建南路參將、遊兵把總、廣東柘林守備、潮州參將，及潮漳二府沿海衛所）。

分守七員 潮州參將（舊設，萬曆八年〔1580〕革，十二年〔1584〕復設，駐潮州府，統轄潮海等處）。瓊崖參將（嘉靖十九年〔1540〕添設瓊州參將，兼管雷、廉，隆慶六年〔1572〕改設，駐瓊州府崖陵，所屬白沙寨把總，撫黎防寇）。雷廉參將（隆慶六年〔1572〕添設，駐

雷州府，所屬白鴿寨把總，所統，自廣海以西，直抵交南）。東山參將（舊為高州參將，又為高肇韶廣參將，萬曆四年〔1576〕改設，五年〔1577〕又改駐富露，所領兵三千名，內分一支，戍守南鄉）。西山參將（舊肇慶韶廣參將，又為遊擊，萬曆四年〔1576〕改設，五年〔1577〕又改駐函口，所領兵三千，內分一支，戍守封門）。督理廣州海防參將（舊為廣州惠潮海防，萬曆三年〔1575〕改設，駐劄東莞南頭，所統廣海以東，直抵福建）。惠州參將（隆慶六年〔1572〕添設，駐劄海豐縣，所屬碣石寨把總，萬曆二年〔1574〕令移駐新田）。

（明）申時行等修：《明會典》卷一二七，〈鎮戍二〉，六五八頁。

總督兩廣等處地方提督軍務糧餉兼巡撫事一人。順治元年（1644）置廣東總督駐廣州兼轄廣西。十二年（1655）徙梧州。康熙二年（1663）別置廣西總督，移廣東總督駐廉州。三年（1664）復併為一，駐肇慶。雍正元年（1723）復分置，明年仍合。七年（1729）以苗患，令雲貴總督兼轄廣西，十二年（1734）仍隸廣東。光緒三十一年（1905）兼廣東巡撫事。

（清）趙爾巽等纂：《清史稿》（十二志），卷一一六，〈志〉九一，〈職官三〉，三三四〇至三三四一頁。

文官制

本縣知縣一員、典史一員、典吏七名、承發一名、倉吏一名、庫史一名。

儒學教諭一員、司吏一名、訓導一員。

官富巡檢司巡檢一員、司吏一名。

福永巡檢司巡檢一員、司吏一名。

車莞場大使一員、攢典一名。

歸德場大使一員、攢典一名。

武官制

新安營遊擊一員。

中軍守備一員。

千總二員、把總四員。

按新安營額設官兵五百員名，城守守備一員、千總一員、把總二員。康熙三年（1664）奉旨增設官兵五百員名，故改守備設遊擊，加千、把總。大鵬營守備一員、千總一員、把總二員、官兵五百名。（大鵬營汛地前被大盜羅欽輦等盤據。順治十五年〔1658〕平定，增設員兵）。

東莞守禦所千總一員。

大鵬守禦所千總一員。

大鵬守禦千戶所正千戶一員、副千戶一員、百戶一員、鎮撫一員、幕官吏目一員、司吏一名（今俱革除）。

南頭寨參將一員、把總五員（今俱改設）。

（清）新文謨纂：《新安縣志》卷四，〈職官志〉，一至二頁。

二、新安縣的正式設置與變化

新安，漢博羅縣地。晉咸和六年（331），置東官郡，治寶安。隋廢郡，屬南海。唐至德二年（757），改名東莞。明萬曆元年（1573），析東莞，置新安縣。東莞，康熙八年（1669年）復置。

（清）王崇熙等纂：《新安縣志·阮元序》上卷，二頁。

新安縣沿革考

《漢書地理志》番禺縣屬南海郡。

《後漢書郡國志》番禺縣屬南海郡。

《晉書地理志》番禺縣屬南海郡，成帝分南海，立東莞郡。

《宋書州郡志》寶安縣屬東莞郡。

《南齊書州郡志》寶安縣屬東莞郡。

《隋書地理志》寶安縣屬南海郡。

《唐書地理志》東莞縣屬廣州都督府。

《宋史地理志》東莞縣屬廣州都督府。

《元史地理志》東莞縣屬廣州路。

《明史地理志》新安縣屬廣州府（註：本東莞守禦所，洪武十四年〔1381〕置，萬曆元年〔1573〕改為縣）。

（清）李侍堯、沈廷芳等纂：《廣州府志》卷三，〈沿革〉，三一頁。

邑地（按：指新安）枕山面海，周圍二百餘里，奇形勝跡，不一而足。而山輝澤媚，珍寶之氣萃焉，故舊郡名以寶安。明萬曆改元，剖符設治，始名新安，取其革故鼎新，去危為安之義。國朝因之，而名不易焉。

（清）靳文謨纂：《新安縣志》卷一，一頁。

新安，本晉東官郡也。東控歸善，西抵香山，北連東莞，層巒疊嶂，屏衛環列。東六十里曰梧桐山，二峰嵯峨於霄，為邑巨鎮。一百里曰九顧山。一百二十里曰大鵬山，由羅浮逶迤而來，勢如鵬然，一百三十里而遙曰陶娘山。東南五十里曰大帽山。七十里曰馬鞍山。八十里曰梅沙尖。南七里曰南山，則舊郡朝山也。三十里曰杯渡山，南漢時封為瑞應。與杯渡對峙曰靈渡山，宋元祐杯渡禪師卓錫處。七十里曰官富山。百里曰梅蔚山，宋景炎帝行在所也。北三十里曰陽臺山。八十里曰寶山，亦名百花林。東北六十里曰太平障山。西北四十里曰茅山。五十里曰參里山，曰鳳凰岩，曰大鐘山。西八十里曰虎頭山，屹峙中流，昔宋帝舟次於此。海中諸島曰合蘭洲，曰龍穴洲，曰大奚山，其嶼洞三十有六，曰零丁山，其下即零丁洋也。宋丞相文天祥曾經此，有詩。曰老萬山，曰南亭竹沒山，曰獨鰲洋，有飛瀑若從天而下。凡滇江端溪諸水，會珠江屈折百餘里至蛇犀，合龍江經虎門匯分流湖，澎湃而注注東焉。新安環境如斯，誠一鉅觀也哉。

然其形勢之所繫，內則輦省城之金湯，外則絕邊倭之窺伺。撫茲邑也，登眺遠望，惕然有綢繆牖戶之恩，寧不覽輿圖而有裨哉。

（清）靳文謨纂：《新安縣志》卷一，四一五頁。

新安經始碑記

何維栢

隆慶壬申（1572）夏，巡海仁山劉公，還自海上過予，述南頭父老吳祚等語曰：吾儕老且死，獨子孫世淪鬱陷，何由見天日，號籲伏地，請建縣治，以圖保障。予曰：公何不力任，以綏厥蒸民。公謂建置事重，惟議添一丞少慰眾望，予曰：南頭設海防郡貳，與守備彈壓茲土，尚不能為小人依附，何有於丞，若建邑則職專，宰牧責重，拊循約束，強悍不得肆其惡，比聯良弱有所恃以生。東莞為藩籬，會省為門戶，輯邇控遠，安內攘外，一舉而重善得矣。昔與制府劉公、吳公創議首此，今在鎮殷公亦言之。備公入，以予言探之。翌日，公以添丞上詳，因以予言質殷公。殷公曰：彼中父老意若何？公曰：萬口同詞，惟願立縣。殷公曰：何公素不苟於言，父老且宜之，宜以建縣，請令更詳入。殷公覈下，即疏馳請，諭旨名為新安。

（清）郝玉麟等總裁：《（雍正）廣東通志》卷六〇，〈藝文〉，五五頁。

今（萬曆初）析置羅定州、新安、普寧等九邑，各設守令撫綏之，是子惠之澤也。崇墉新築，以輦海邦，外寇突來，恃之無恐，是保障之衛也。琶洲建塔，以樹捍門，眾水所趨，一方攸奠，是華表之勝也。府庠鼎修，規模宏廓，直闢前門，以暢靈秀之氣，是文明之會也。

（清）郝玉麟等纂：《（雍正）廣東通志》卷五九，〈藝文〉，八八頁。

茲粵志何志哉？亦謂尊王朝，崇省會，聯郡邑而已。故志緣乎治，而因乎勢者也。以近事論，張官置吏以為民也，如析置羅定州、新安、普寧等九邑，各設守令撫綏之，是子惠之澤也。崇墉新築，以

鞏海邦，外寇突來，可恃無恐，是保障之衛也。琶洲建塔，以樹捍門，眾水所趨，一方攸奠，是華表之勝也。

（清）屈大均輯：《廣東文選》卷九，（明）郭棐：《廣東通志·序》，一九頁。

新安縣（疲難西北至府二百六十里。有縣丞分駐大鵬里，巡檢二，駐官富、福永）。

漢南海郡博羅縣地。晉咸和六年（331）分南海置東官郡，兼置寶安縣為郡治。齊移郡治縣仍屬焉。唐至德二年（757）改曰東莞。宋開寶五年（972）廢入增城，尋復為東莞縣地。明洪武二十七年（1394）置東莞守禦千戶所。萬曆元年（1573）改置新安縣。本朝康熙六年（1667）年省，八年（1669）復置。

寶山在縣東北，舊以山有寶，置場烹銀名石甕場，今山中銀滓猶存。

（清）洪亮吉撰：《洪北江全集》卷四十一，〈乾隆府廳州縣圖志〉，〈廣州府〉，六頁。

新安縣圖說

邑為古寶安郡處，府治之下流襟抱海洋，與香山遙對，以成犄角之勢。其西抵香山，遙連溟洋，南抵佛堂門，遠踰疊嶂，直達重洋。又南抵平海守禦所水陸交通，唯北抵蓮花峰、羊凹山，為東莞縣界。可由陸路上達會城，無海洋之隔，要其三面皆距海也。夫海濱之地，沙澱洲島非不重包疊裹，隱若藩籬，然擊汰乘風帆檣，如舫一日而千里者，非有門域可以限制之。巡查會哨，游奕往來，能無藉於大艚、小艇，連尾啣首，呼吸相通，以盡防禦之道乎？故縣治東北一百四里，特建專城為大鵬一營。蓋大鵬海面，為廣惠連接之所，內設參戎，多備守禦，與歸邑之平海營，陸路之左翼鎮兵，互為接應。又因離縣治寫遠，復移駐縣丞，以資緝捕，是以鯨波恬息，四民安堵，已非一日。至於煮鹽於海，採礦於山，皆生民之利賴，雖梟黠之徒，每易聚而滋事，防之不可不密。然山海交會之地，其氣磅礴，其

蘊結亦必深厚，故其人多古茂，務本者多而逐末者少，猶為近古。

（清）李侍堯、沈廷芳等纂：《廣州府志》卷二，〈輿圖〉，三九頁。

康熙五年（1666）省新安入東莞。康熙八年（1669）復置新安縣。康熙二十五年（1686）增置花縣。雍正七年（1729）升連州為直隸州，陽山、連山隸焉。府今領十四縣。

（清）李侍堯、沈廷芳等纂：《廣州府志》卷三，〈沿革〉，一一頁。

（新安縣）邑為東莞分地，前俯大海、急水、佛堂、獨鰲洋、小三門諸隘，其出海所必經也。東路則長門、輞井建汎防邏；西路則鰲灣、茅洲分土守禦，至南頭一寨，原轄汎地處，尤為要害。（《府志》）大鵬所、南頭寨、福永巡司，在縣西北三十里，舊為固戍寨。明洪武三年（1370），置巡司，三十年（1397）移福永村，改名官富巡司。（謹案：《粵大記》：官富、福永二巡司屬東莞，自明萬曆元年〔1573〕建縣，遂移置焉）柘渡山舊名屯門，唐立屯門鎮營以防海寇。宋亦設營壘於此。

（清）阮元等纂：《廣東通志》卷一二〇，〈關隘略一〉，二二九五頁。

新安縣（道光二年）

知縣（題調疲難中缺）

縣丞（部選缺，雍正九年添設）

典史（部選缺）

教諭（部選缺）

訓導（部選缺）

官富司巡檢（部選缺）

福永司巡檢（部選缺）

（清）阮元等纂：《廣東通志》卷一八五，二八八〇頁至二八八一頁。



三、明清史料中關於新安縣山川、形勢、城池及都里等記載

城池

邑城在城子岡，即因東莞守禦所城也。明洪武二十七年（1394）廣州左衛千戶崔皓開築。周圍連子城共五百七十八丈五尺，高二丈，面廣一丈，址廣二丈，門四。隆慶六年（1572）建縣，萬曆元年（1573），知縣吳大訓謂：北門當縣治之背，地脈非宜，塞之，止通東西南三門。城樓、敵樓各四，警舖二十五、雉堞一千二百、吊橋三、水關二。至萬曆五年（1577）知縣曾孔志增建東西南三門子城樓三、敵樓四，甃以磚石，庇以陰屋，以為更卒棲息之所。崇禎十三年（1640）知縣周希曜因議新增城池，將城垣周圍增高五尺。今總高二丈五尺，雉堞計八百九十有五，濠五百九十二丈。舊淺狹，尋浚闊二丈，深一丈五尺。

（清）靳文謨纂：《新安縣志》卷三，〈地理志〉，三頁。

城池

新安縣

城周五百七十八丈五尺，高二丈，上廣一丈，下廣二丈，為門三，曰東門、曰南門、曰西門。上為樓四，警舖二十有五，雉堞一千二百。縣東有大鵬所，城周三百二十五丈六尺，高一丈八尺，上廣六尺，下廣一丈四尺，為門三，上城樓敵樓如之，警舖十六，堞六百五十。按《省志》及《邑志》，城本東官郡舊治，明洪武二十七年（1394），千戶崔浩始築城，隆慶六年（1572）建縣，固其城池。萬曆間，知縣曾孔志增三東西南小城，其北門，萬曆元年（1573）知縣吳大訓塞。

國朝康熙七年（1668），颶風壞城樓、窩舖雉堞，知縣李可成，守備馬四玉等同捐修復。池周五百九十二丈，廣二丈，深二丈。大鵬所池周三百九十八丈，廣一丈五尺，深一丈。

按：《邑志》崇禎間知縣周希曜濬。

（清）李侍堯、沈廷芳等纂：《廣州府志》卷四，〈城池〉，一三頁。

新安縣

縣治在府城東南二百六十里。漢博羅縣地，晉寶安縣地，唐東莞縣地，宋開寶五年廢，入增城，尋復為東莞縣地，明萬曆元年（1573）分置新安縣。

國朝康熙六年（1662）省，八年（1669）復置。

城周五里，高二丈五尺，城濠廣二丈五尺，深一丈二尺。九逕山城東四十里，下臨屯門澳，明海道汪鉉，嘗殲佛郎機於此。

桂角山，城東四十里，一名鰲潭山，兩峰競秀如角，多產桂樹，故名。上有仙女梳粧石，有宋鄧符力瀛書院遺址。

大嶺山，城東五十里。歲早禱雨輒應。

三杯酒山，城東七十五里大海中，形如三杯浮海，故名。

獅子嶺，城東八十里，有石屹立，雲掛則雨，康熙中，縣境分界於此。

馬鞍山，城東八十里。東枕大海，形似故名。

神山，城東九十里。上有巨石，削立如壁，禱雨輒應，故名。

三牙牌山，城東一百二十里大海中，形似故名。

虎頭山，城東一百三十里。一名獺子頭，怪石嵯峨，崎嶇險峻，邑人砌石，行者便之。

白鶴山，城東一百四十里。嘗有白鶴來棲，故名。有遊仙巖。

雞婆山，城東一百八十里。怪石嶙峋，最為險阻。

官富山，城東南三十里。宋景炎中，嘗駐蹕於此。東有官富場、宋王臺。

青山，城東南四十里。有青龍頭汛。

丫髻山，城東南五十里。兩峰並峙，故名。下有鄧符墓。

梅蔚山，城東南一百里大海中。林木蔭翳，前護縣治，後障東



洋。宋景炎中，嘗駐蹕於此。

九頓山，城東南一百一十里。自麓至頂，連頓九阜，故名。往來大道，嘉慶中，邑人砌石，行者便之。

太平山，城東南一百三十里香港島上。山勢嵯峨，千霄蔽日，最為險隘。山上流泉，性溫，味旨。山下裙帶路，今為外國市埠。

交椅山，城東南一百三十里大海中。一名交椅洲，形似故名。東為青洲山，又東南為南丫山。

大鵬山，城東南一百六十里，一名七娘山。相傳有仙女七人遊此，故名。有龍潭、鹿湖、羊塘、石室、危石、高岸、飛瀑諸勝。

陶娘山，城東南一百六十里大海中。環拱如城，內容巨舶數十，昔為海寇所據，今疊石塞之。東界歸善縣。

三管筆山，城東南一百八十里大海中。突起三峰，尖削如筆，故名。海船可以寄碇。

南亭竹沒山，城東南二百一十里大海中。林木叢茂，內有盧亭，相傳為盧循之裔，能入水捕魚，以棕葉、竹籐為衣。

擔竿山，城東南二百五十里大海中，形似故名。海舶放洋，每以此山為準的。

南山，城南七里。秀拱如屏，上有雙石塔、觀音寺，有石似仙人足，鄉人多祈雨於此。南為赤灣山，有赤灣廟、竹林寺。

杯渡山，城南二十里，一名羊阬山，一名聖山。高峻插天，上有石柱二，高五丈餘，相傳杯渡禪師渡海居此，故名。南漢大寶中，封為瑞應山，今有瑞應巖、虎跑泉。

靈渡山，城南三十里。山勢聳峻，與杯渡山濱海對峙，有靈渡寺。

上下磨刀山，城南三十里，壁立海中，與大嶼山相望。

七星岡山，城南五十里，圓秀如七星羅列，故名。上有天后廟、禾穀夫人廟，祈雨輒應。

紅水山，城南五十里，上有二石，如龍船，一覆、一仰，叩之有聲，樹木叢生，溪水可引灌田。

零丁山，城西南七十里赤灣海中。四面環海，下為零丁洋。

大嶼山，城西南一百一十里大海中，一名大奚山。為急水門之障，上分三十六嶼，樹木叢集，地最寥闊。有大嶼山汛、大豪汛、東涌口汛、沙螺灣汛。有鹽田。海船可以寄碇。

鳳凰山，城西南一百一十里，大嶼山障內。雙峰插霄，形似故名。與杯渡山對峙，樹木叢生，最為險阻，產鳳凰茶。上有小石，祈雨多應。

大髻婆山，城西北三十里，形似故名。

大鍾山，城西北三十五里，在鳳凰巖北，有龍王壇。

參里山，城西北五十里。邑人黃舒有孝行，可比曾參，故名。有雲溪寺。

平地頂山，城西北六十里。山上平曠，有禾花娘壇，祈禱最為靈異。

校杯山，城西北六十里大海中。兩峰屹立，形似故名。

羊凹山，城西北八十里。有仙歌巖，口小而內大，可容數百人，北界東莞縣。

黃木山，城北三十里，一名筆架山。三峰秀矗，形似故名。左有蟾蜍石，鄉人每祈禱於此。

七仙山，城北三十里。上有巨石，形如七仙，鄉人祈雨多應。

陽臺山，城北三十里。由梧桐山發脈為縣鎮，山有祇園菴，南為文岡山。

大茅山，城北四十里。山勢高聳，兩峰峭立。

畫眉山，城北五十里。多畫眉鳥，故名。

石龍山，城北六十里。巨石嶙峋，形似故名。

廬山，城北八十里，一名百花林。其山絕險，上有虎頭潭，可以耕作，蹊徑通幽，最為險阻，昔為山寇所據，嘗置寨守之。

柑阬山，城東北四十里。多產赤竹，昔有獠人居之。

觀音山，城東北五十里。奇峰聳峙，仰干霄漢，有觀音廟。



三聯書店
Joint Publishing (H.K.)

大帽山，城東北五十里，形似故名。有石塔產茶。

梧桐山，城東北六十里。三峰秀拔，延袤十餘里，上多梧桐、異草，頂有天池，深不可測。第三峰曰：梅花尖，高峰插天，峭拔如筆，下有赤水洞，林木蔭翳，北有白面石巖，深廣如廈，外有甘泉，東有鹽田。

太平嶂山，城東北一百六十里。遠望如障，北界東莞縣。

大涌水，源出縣東北黃貝嶺，東南流經蕉逕汛，又東南流經羅湖村，又東南流經城門凹汛，又東南流經官富司署，又東南流經橫洲汛。分二派：南派，東南流經紅朱嶺村，官涌水自東南來注之。又東南流經山石下村，又東南流經橫龍岡，又東南流經后海村，又東南流入海。北派，西北流經石下村、屏山村，水自東北來注之。又屈西南流經先農壇，又屈西北流經縣城南，又西北流經大石鼓村，又西北流經大興圍、鐵岡村，水自東北來注之。又西北流經鰲灣村，又西北流經福永司署，又西北流入海。

茅洲河源出縣東北陽臺山，西北流經茅洲汛，又西北流經大涌、葫口村，水自東北來注之。又西北流經魯屋村，又西北流東莞縣，永平河自北來會，二源會合。又屈西南流經碧頭水汛，又西南流入海。

縣東北海岸，與歸善縣西南海岸，以大鵬山分界。東南為上太阮村，又屈西南過大鵬所城，又西南，過水頭村，又屈東南，過東山村，又東南，過楊梅阮，又東南，過鹿嘴角，又東南，過蹊躋角，又屈西南，過東涌口，又西南，過老大鵬汛，又屈西北，過西涌口，又西北，過鵝公灣，（海船可以寄碇）又西北，過沙魚涌口，又西北，過葵涌，又屈西南，過沙頭角，又西南，過禾阮，又西南，過黎峒村，又屈東北，過釘角，又屈東南，過烏阮涌，又屈東北，過黃竹角，又屈西南，過烏泥阮，又西南，過全灣，又西南，過瀝源港，又屈東南，過瀝源汛，又屈東北，過塔門，（海船可以寄碇）又屈東南，過長短嘴，又屈西南，過小欽門，又屈西北，過糧船灣，（海船可以寄碇）

又西北，過乾門，又西北，過黃竹港，又屈西南，過將軍凹，又屈東南，過鰲魚灣，又東南，過佛堂門，（海船可以寄碇）又屈西北，過鯉魚門，又西北，過茶果嶺，又屈西南，過九龍寨城，（有九龍司署，海船可以寄碇）又西南，過尖沙嘴，又屈西北，過深水埗汛，又西北，過青衣門，又西北，過屯門汛，又西北，過上灘村，又西北，過沙岡天后廟，又西北，過大涌水南口，又西北，過赤灣，有左砲臺、右砲臺。又西北，過石圍塘汛，（有南頭砲臺）又西北，過鰲灣汛，又西北，過大涌水北口，又西北，過嘴頭角汛，又西北，過碧頭水汛，有砲臺。又西北，過永平河口，又西北，與東莞縣東南海岸分界。

縣東南海中有香港島（在九龍尖沙嘴之南，中隔一港，故名。一名裙帶路，東為鯉魚門，西北為急水門，南為南丫山，西南為青洲山，又西為交椅山，又西南為外零丁山，又南為一門、二門、三門，中有燈籠洲、仰船洲，水深不測，最為險隘。舊有居民數十戶。東有紅香爐汛，東南有赤柱汛、兩灣汛。道光中，啖咭喇國人居之，分裙帶路為上環、中環、下環，建造外國砲臺。市廛商賈輻輳，遂為中外總市埠，海舶往來，必寄碇於此。）西為大嶼山，西南為樟木頭、鴉洲，又西南，為蜘蛛洲、鞋洲，又西為榕樹頭、臘雞尾，又西，為三牙排、竹洲、鬼洲，西北為琵琶洲、赤瀝角、欖洲，又西北，為銅鼓、伶仃，又西北，為礮石仔洲，又西北，為大產、小產，南為螺洲、榕樹灣，又南，為擔竿山、外伶仃，又南，為黑洲三門，（海船可以寄碇）東為宋羌蒲臺、橫欄，又東北，為雙樹門、南佛堂，又東北，為大欽門、小欽門，又東北，為獨牛洲、赤洲、吉澳、平洲，（海船可以寄碇）又東北，為沱濤爛洲（四望汪洋，最為險阻）。

知縣一員

復設教諭、訓導各一員。均駐城外。

縣丞一員駐大鵬所城其屬大鄉二。

（清）毛鴻賓、瑞麟監修：《廣東圖說》卷一三，〈新安〉，二至八頁。

疆域

邑（按：指新安縣）地廣二百七十里，袤三百八十里。

東至三管筆海面二百二十里，與歸善縣碧甲司分界。

西至礮石海面五十里，與香山縣洪澳司分界。

南至擔杆山海面三百里，外屬黑水大洋杳無邊際。

北至羊凹山八十里，與東莞縣缺口司分界。

東北至西鄉凹山一百五十里，與歸善縣碧甲司分界。

西南至三牙山一百二十里，與香山縣澳門廳分界。

西北至合瀾海面八十里，與東莞縣缺口司分界。

東南至沱潭山二百四十里，與歸善縣碧甲司分界。

邑由城至府二百五十里，上至京八千餘里。

（清）王崇熙纂：《新安縣志》卷上，五七至五九頁。

新安都里

一都：

南頭村、龍岡村、東楠村、後海村、高地村、灣下村、谿西村、龜廟村、新塘村、白石村、塘葫村、新圍村、平山村、庵前村、龍井村、珠岡頭、大涌村、寒洞村、留仙村、上邊崗。

二都：

西鄉村、鰲灣村、固戍村、南昌村、北盛村、黃田村、新涌村、山豬凹、臣田村、北竈村、莊邊村、莆心村、流塘村、上村、柘園村、鐵岡村、馬山頭、井瀝坑、白沙村、塘頭村、牛繩村、白芒村、篁里村、隔岸、新村。

三都：

福永村、臣上村、臣下村、竈下村、恩里村、白岡村、橋頭村、東坑村、石凹村、菱塘村、漁涌村、馬鞍山、梁家村、新村、山頭下、蒼頭村、壘頭村、歸德場、涌口村、涌頭村、岡頭村、大步涌、大田村、後亭村、茅洲山、茅洲墟、碧頭村、田尾村、中心墩、岡邊

村、萌下村、沙莆村、溪頭村、塘下村、周山村、坑尾村、橋頭村、新村、黃松岡、卡山門、山尾村、流岡村、東渚村、新村、霧岡村、潭頭村、壘頭村、岡頭園、坑尾子、巷口村、莆尾村、大井村、西山村、南犀村、上頭田、白沙村、錦堂村、新橋村、上寮村、洪田村、黃莆村、嶺下村、林坡村、鄧家萌、石龍塘、白石下、黃蘇莆、田心村、上口村、黃金洞。

已上三都俱恩德鄉。

四都：

李松萌、黃屋村、西田村、新陂口、羅田村、水貝村、香園村、銀萌村、禾穀嶺、合水口、上輦村、田寮下、核桃園、矮嶺村、鮎魚溪、周家村、新溪村、舊溪村、鴨仔塘、大陂水、大橋村、黃分村、烏木墩、石家村、馬山頭、栗木岡、唐家村、慶南村、長圳村、田寮下、玉勒村、文屋村、逕背村、輦合村、羅租村、涼水井、龍眼村、雞母村、岡雀稠、官田村、烏石巖、王家莊、對田嶺、應人石、塘子頭、烏石嶺、烏石莆、歷山村、白坭坑、棠坑村、黃岡村、棠頭村、髻岡。

五都：

錦田村、圓岡村、上府村、鑑巷圍、石湖塘、壘顧圍、沙莆圍、窩莆圍、圓萌莆沙、圓萌東頭、田寮圍、鬱子圍、長莆圍、教場莆、石岡圍、竹園圍、亞馬田、白沙圍、水蕉圍、山下圍、水邊圍、橫州村、大中村、橘子頭、大塘村、屏山村、香園圍、石步村、田心村、萌下圍、廈林村、長岡村、雞柏嶺、沙岡村、蚬蛇鬱、輦井村、羊凹村、屯門村、小坑村、石榴坑、子屯圍、黃塘下、新田村、新壘村、乾涌、洲頭村、勒馬州、米步村、蕉逕村、西山村。以上俱延福鄉，在大帽山之內。

掃管鬱、淺灣村、葵涌村、企嶺村、沙田村、官富村、衙前村、九龍村、莆岡村、古瑾村、翟尾村、新村圍、犬眼村、萌機蓮、黃坭涌、香港村、烏溪尾、沙角尾、壕涌、北港、滙涌、定角村、澳尾、

洞仔村、瀝源村。

已（以）上在大帽山之外。

東西涌、螺杯澳、石壁村、梅窩村俱在大奚山。

六都、七都：

大步頭、龍躍頭、逕口村、下坑村、樟木頭、牛蜞龍、新村、田寮村、黃竹洋、跳頭村、龍塘村、蘇雀嶺、黃魚坦、地塘頭、高塘凹、坑頭村、塘坑村、隔圳村、河尚鄉、藍坑村、丙岡村、蓮塘尾、唐公嶺、西邊村、麥園村、上水村、嶺仔下、莆上村、平源村、鳳凰湖、凹背村、荔枝窩、黎峒村、上下園、鉗口墟、泰坑村、林材村、萬屋邊、沙橘寮、小瀝源、碗寮村、楓園村、粉壁嶺、綠逕村、歌堂凹、隔堂村、東西頭、黃貝嶺、大嶺下、油炸頭、田貝村、凹下村、橫岡村、蓮蘇坑、峒尾村、塘坑村、樟木嶺、松園下、山嘴嶺、岡頭村、羅坊村、大逕村、坑仔村、大莆村、彭坑村、大望村、橫排嶺、穀豐嶺、丹竹坑、山雞鬱、穀步村、筍岡村、莆心村、新屋邊、田心村、赤坎村、月岡屯、羅湖村、塘邊村、下村、塘尾村、福田村、赤尾村、岡下村、上步村、拈墩村、田面村、新英村、蚊洲村、莆海村、穀田村、下步村、麥園村、舊墟村、凹尾村、樟樹坦、馬料村、上梅林、下梅林、淡水坑、下林仔、東門村、白水塘、橫頭村、第三溪、高圳頭、關湖村、水貝村、龍岐村、黃母峒、新橋村、石橋頭、沙甫村、火堆村、橫岡村、大嶺下、橫坑村、鴨寮村、石橋頭、西山村、沙岡村、下沙村、疊福村、半天雲、大鵬所、烏涌村、大坑村、碧洲村、楊梅坑、鶴兜村、苔涌村。

已上六、七都俱歸城鄉。

（清）靳文謨纂：《新安縣志》卷三，〈地理志〉，五至九頁。

新安縣

鄉曰恩德、曰延福、曰歸城。

都曰第一，曰第二，曰第三，曰第五（俱屬恩德鄉），曰第四（屬

延福鄉），曰第六，曰第七（俱屬歸城鄉）。

市曰城內，曰牌樓，曰西鄉，大廟前曰南頭新，曰南頭舊，曰南頭中，曰茅洲新，曰茅洲舊。

墟曰黃松岡，曰周家村，曰望牛墩，曰下步，曰月岡屯，曰大步頭，曰和平，曰白灰洛，曰蛋家嶺，曰雲林，曰深圳，曰天岡，曰碧頭，曰沙頭，曰大橋墩，曰平湖，曰永豐，曰鹽田，曰塘勤，曰青湖，曰塘頭下，曰清溪，曰葵涌。

（清）李侍堯、沈廷芳等纂：《廣州府志》卷四，〈都鄙市廛〉，四五至四六頁。

墟市

城內市牌樓市、南頭新舊中之市、西鄉大廟前市、和平墟、白灰墟、周家村墟、蛋家嶺墟、雲林墟、望牛墩墟、黃松岡墟、碧頭墟、茅洲新舊二市、沙頭墟、下步墟、月岡屯墟、大橋墩墟（附峰圓嶺）、深圳墟、天岡墟、大步頭墟、清湖墟、永豐墟、塘頭下墟、葵涌墟、鹽田墟、清溪墟、塘勤墟。

（清）靳文謨纂：《新安縣志》卷三，〈地理志〉，一一頁。

津

南頭渡、佛山渡、下步渡、茅洲渡、烏石渡、圓岡渡、碧頭渡、岡頭渡、新田渡、茅洲田尾渡、烏溪沙渡、蘇雀嶺渡、塔子前渡、沙岡渡、白石渡、黃岡渡、羅湖渡。

（清）靳文謨纂：《新安縣志》卷三，〈地理志〉，一二頁。

海

滘水、大沙河、西鄉河、茅洲河、壁頭河、塘頭下海、合瀾海、南頭海、後海、急水門在官福司之南、佛堂門在官富司之東，為頭出海外關，舊設哨船防守，今廢。谿西灣、屯門灣、大傘、小傘洲在縣西南海中。大王洲在縣西南海中。平洲在縣西南海中。馬鞍洲在縣西

西鄉村海中。平洲在七都下沙村前洋海中。龍穴洲、擔竿洲在縣西南外洋。勒馬洲在五都、白鶴洲、蚊洲、夾洲、媚珠池舊志云：在大步海，漢時採珠於此，今廢。七娘灘、甘溪涌、綠橘潭、海水響潭。

（清）靳文謨纂：《新安縣志》卷三，〈地理志〉，一六至一七頁。

田賦

新安縣萬曆元年（1573）官民竈僧等田地山塘海萌，原額二千九百一十一頃四十七畝二分五釐五毫，萬曆九年（1581）奉例清丈攢月，官民僧等田地山塘萌湖海坦涌溪，分上中下則共四千零二十頃八十二畝五分一釐一毫五忽，萬曆二十一年至崇禎十五年（1593—1642）逐增田地山萌海坦湖塘溪坡，共四十六頃四十二畝三分七釐八毫七秒一忽。（據〈阮通志·新安縣志〉參修）

（清）瑞麟、戴肇辰等修：《廣州府志》卷七〇，〈經政略〉，一二頁。

土田

明萬曆元年（1573），官、民竈、僧等田地、山塘、海萌原額二千九百一十一頃四十七畝二分五釐五毫。……國朝原額田地、山塘、湖陂、海溪涌、坦四千零三十九頃五十六畝七分六釐五毫，內奉丈勘未墾稅一百七十四頃八十八畝二分九釐一毫六絲。康熙元年（1662）遷熟田地、山塘、湖萌稅四千二百二十五頃七十五畝七分四釐五毫零九忽，遷荒田地、山塘九十七頃十六畝五分六釐一毫零六忽。……康熙六年（1667）歸併東莞編徵。康熙八年（1669）展界復縣治，署縣路一鰲督墾復原續遷移田地一百九十六頃一十九畝八分五毫一絲一忽。（後歷任知縣督墾，復原續遷移田地，至康熙二十四年〔1685〕為一百一十九頃四十六畝五分二釐八毫一絲四忽。）

（清）靳文謨纂：《新安縣志》卷六，〈田賦志〉，三至五頁。

貢賦

新安縣

原額田地萌、山、塘、湖、海、坦、陂、溪、涌共四千三十九頃五十六畝七分零，內

田三千七百六十頃三十三畝三分零。

地二百三十六頃四十三畝一分。

萌一頃五十六畝三分零。

山一十二頃四十七畝七分零。

塘二十六頃九十八畝三分零。

湖六十三畝八分零。

海四十八畝四分零。

坦六十畝七分零。

陂一畝五分。

溪二畝二分。

涌二分。

除豁荒、遷、難墾虛缺，尚存實稅九百二頃七十七畝五分零。

康熙四年（1665）至乾隆十二年（1747）墾復額外陞科，沙坦共二千九百七十九頃八十二畝五分零。

雍正三年（1725）裁併東莞所額稅四十二頃九十六畝零，通計民屯田地萌、山、塘、湖、海、坦、陂、溪、涌，共三千九百二十六頃五十六畝零。

（清）李侍堯、沈廷芳纂：《廣州府志》卷一一，〈貢賦〉，二一至二二頁。

新安縣

官民田地山塘等稅三千八百九十八頃一十一畝七分九釐五毫零，應徵稅銀一萬零二百八十四兩六錢四分九釐，應徵丁銀九百八十兩零七錢三分八釐。遇閏加徵銀二百九十三兩一錢五分四釐。本邑米一千九百八十二石四斗三升零五勺。現額屯田四十二頃九十六石四斗六升四合五勺。實徵米五百七十五石八斗一升三合六勺零。



現額屯田四十九頃四十一畝四分三釐五毫零，實徵米五百四十一石八斗四升九合八勺零。^①

註：①該田數為嘉道年間數目。

（清）阮元、陳昌濟等纂：《廣東通志》卷一六二，〈經政略〉，二九五三至二九五四頁。

田賦^①

（新安縣）官民田、地、山、塘等稅共三千八百九十八頃一十一畝七分九釐五毫零。……應徵稅銀一萬零二百八十四兩六錢四分五釐。……遇閏加徵銀二百九十三兩一錢五分四釐。……本色米一千九百八十二石四斗三升零五勺。

折色改徵本色米七百九十六石四斗六升四合六勺。

現額屯田四十二頃九十六畝二分三釐一毫零。

實徵米五百七十五石八斗一升三合六勺零。

現額屯田四十九頃四十一畝四分三釐五毫零。

實徵米五百四十一石八斗四升九合八勺零。

註：①此為光緒初年的田賦數。

（清）瑞麟、戴肇辰等修：《廣州府志》卷七一，〈經政略一〉，二三頁。

戶口

明萬曆元年（1662）原額七千六百零八戶，口原額男婦三萬三千九百七十一口。

國朝戶二千九百六十六，口六千八百五十一，男五千五百六十七，婦一千二百八十四。康熙元年（1662）、三年（1664）兩奉遷析，尚存人丁二千一百七十二（後多次招復遷移，至康熙二年〔1663〕屆丁四千五百二十五）。

（清）靳文謨纂：《新安縣志》卷六，〈田賦志〉，七頁。

萬曆二十一年

（新安）戶七千七百五十二戶，口一萬三千三百零二口。

康熙元年、三年兩奉遷析，尚存人丁二千一百七十二。

康熙二十年 丁四千五百二十五。

康熙二十一年 招復遷移人丁三丁。

康熙二十三年 招復遷移人丁一百三十四。

康熙二十四年 招復遷移人丁一百零七。

（清）靳文謨纂：《新安縣志》卷六，〈田賦志〉，一、二頁。

新安縣，康熙元年（1662）至十一年（1672）實在人丁三千九百七十二，食鹽課銀一千五百一口。雍正九年（1731）至嘉慶二十三年（1818），丁一十四萬六千九百二十二。現編正丁七千二百八十九，另各屆編審新增抵補未復優免人丁七十六，優免不盡丁一百二十六，歸併屯丁四十六丁八分。

（清）阮元監修：《廣東通志》卷九〇，〈輿地略一〉，七頁。

新安縣

原額男婦丁口六千七百零九，連抵補新增共七千五百五十二，內男丁五千六百四十六，女口一千九百零六。

乾隆元年（1736）至十六年（1751）新增滋生丁口三千三十五，內男丁二千三百一十五，女口七百二十。

（清）李侍堯、沈廷芳纂：《廣州府志》卷一一，〈貢賦〉，四八頁。

乾隆三十八年（1773）至嘉慶二十三年（1818）除開除外，實滋生民灶丁口連原報共二十二萬五千九百七十九。（內男丁一十四萬六千九百二十二，女口七萬九千零五十七。）

（清）王崇熙纂：《新安縣志》卷七、卷八，〈經政略一〉、〈戶口〉，二五七頁。



學校
新安縣
寶安書院（知縣丁棠建）
梯雲社學
登雲社學
青雲社學
固戍社學
梧山社學
接青社學

（清）李侍堯、沈廷芳纂：《廣州府志》卷一六，〈學校〉，五一頁。

四、關於廣東沿海形勢

海門

江河之水所由出海者，為海門，最大者從廣州而出曰虎頭門，其小者曰虎跳，曰雞踏，曰雞啼，曰三門，曰東洲，此中路之海門也。從東莞而出曰南亭；從新安而出曰小三門，曰屯門，曰急水，曰中門，曰鯉魚，曰雙筋，曰南佛堂，曰北佛堂；從新寧而出曰大金，曰小金，曰寨門，曰官門；從惠來而出曰甲子門；從潮陽而出曰河渡；從澄海而出曰水吼，此東路之海門也。從新會而出曰崖門，曰松柏；從順德而出曰黃楊；從香山而出曰金星，曰上十字，曰下十字，曰馬騮，曰黃麋；從吳川而出曰限門；從海康而出曰白鴿，此西路之海門也。三路海門，東起潮洲，西盡廉州，南盡瓊崖，皆有水寨以守。水寨在潮州者曰柘林，在惠州者曰碣石，在高州肇慶者，曰恩陽，在廣州者，曰南頭，在雷州者，曰白鴿，六寨之汛地。廣寨則屯門，佛堂潮寨則東嶺下河渡，肇高寨則神電、馬騮，雷寨則北隘頭，其港深可泊大船，餘則港淺。惠州碣石衛，海石嵯岬，船易衝磕，止有白沙湖可泊大船，餘港多外淺內深。甲子門，其港亦淺，瓊州、白沙與萬

州，其港俱淺，鬼叫門有暗沙，萬州有一港，頗寬廣，海舶爭避風，其中，稍不虔，則港口忽生一沙橫塞之，須祭禳，乃滅海中沙礁。

（清）范端昂輯：《粵中見聞》卷一二，〈地部九〉，一〇二至一〇三頁。

廣州三門海，去東莞城西南六十里，去新安城西北五十里，兩邑交錯，東南連惠州海，西南連香山海，皆接大洋，浩淼無際。海中有虎頭山、龍穴洲，合蘭洲、潮自東南來，至此，分而為三，過此復合。其水漩洄黝黑，積氣如黛，或白如霧，鼓舞吹噓，倏忽變化。龍穴洲，常有龍出沒，蛟蜃之氣，嘗蒸為城闕、樓臺、人物、車騎，錯出於層巒疊嶺間，舟行海中弗見也。自外望之，變幻斯見，即之輒遠，離之復近，雖大風雨不能滅。蘇東坡曾作文以祭海神，其景立見。土人云：其氣，天晴則大，天陰則小，五色光芒不定，或如旌旗戈甲，則兆有兵革；或如倉如廩，則兆有豐登。每歲正月初三、四、五日必一見。蓋蜃乃千歲之雉所化，與龍同類。靜則為陰，含萬象於無，動則為陽，吐萬象於有也。合蘭洲，上多為芝蘭，有二石並峙，亦多蜃氣。

（清）范端昂輯：《粵中見聞》卷一二，〈地部九〉，一〇三至一〇四頁。

三門海在縣（按：指東莞）西南六十里，海中有三洲。潮自東南來，至此分為三道，既而復合，因曰二（三）門。舊志：縣境海道之備，有南頭、屯門、雞棲、佛堂門、十字門、冷水角、老萬山，零丁洋等澳，皆有哨兵戍守。

新安縣，府東南一百六十里，東北至東莞縣七十里，梧桐山在縣東四十里，又杯渡山在縣東南百二十里，下濱海，舊名屯門山。唐置屯門鎮兵以防海寇。又梅蔚山在縣南百里大海中、又西南八十里，大海中有官富山，山之東有官富場。

大奚山，在縣南三百餘里大海中，環三十六澳，周回三百餘里，一名老萬山。

第一章
歷史沿革

第一編



三聯書店
Joint Publishing (H.K.)